

國朝詩人徵略

番禺張維房子樹輯

鄭士超

字卓仁號貫亭廣東陽山人乾隆六十年進士官  
監察御史

士超少力學家貧攜書而牧誦弗輟不知牛之逸  
去也舉乾隆癸卯鄉試又十二年成進士授工部  
主事補都水司兩充嘉慶辛酉壬戌會試同考官  
歷營繕員外郎郎中浙江道監察御史轉廣西道  
又轉河南道見有屈膝迎謁上官者因劾稱

國家之制六部司官見堂官揖不屈膝典章不可不  
守廉隅不可不勵權勢不可不防得

旨可其言而責不指實且奏遲翼日具疏所以再上

上釋弗罪于是人服其誠時粵東盜賊未靖士超疏陳弭  
盜之本凡五款三千餘言條舉剴切

上嘉納之士超貌甚豐腴自居喪哀毀遂終身骨立好講

社倉法門下士官縣令者必以告後遂舉行於鄉

年五十有四卒

廣東通志

貫亭刻苦自勵同於雞廉居恆樸訥粥粥若無能  
者及其立朝則侃侃無所顧嘗條陳粵東吏治數

事於海防利弊尤詳且切

上多所採納焉工楷法書必端謹詩文彙藏於家茲所錄

乃傳鈔之本耳

嶺南羣雅

君條陳五款原疏甚長今節錄之其一曰粵東海盜向來多在外洋近年沿海口岸及內河之盜較外洋爲尤甚從前地方官規避處分遇有報劫重案逼令事主改盜爲竊改多爲少改白晝爲黑夜猶不過化大爲小今則諱有作無遇事主稟報輒擲還原詞或向事主多方留難使被劫之家忍痛不敢復言以是盜風愈熾既掠財物併劫人口因

而勒銀取贖甚至沿邊港口公然設立稅廠凡鹽船商船均須到彼處掛號始敢開船盜匪得銀給予口票中途遇盜船即可驗票放行名曰納洋稅上年八月間有關書王洪奉差香山縣澳門口猝被盜船刦去勒索火藥鴉片及銀兩取贖報至省城地方官束手無策於九月初四日捐銀二千兩贖回通省傳爲異事又上年十一月二十八日有賊船十六七隻炮械旗鼓具備在離城之荔枝園獅子竇汎一帶沿河大刦礮傷客民兵丁又過思賢濬拆毀營汎鳴鑼揚帆而去掠腹心之地如入

無人之區堂堂省會尙然如此是現在情形治內  
河之盜較外洋尤難刻緩矣其二曰粵東奸徒結  
盟拜會所在而然多者數千人少亦數十人其語  
言舉動皆有暗號其尤悍者身帶雙刀名曰大貨  
手公行無忌恃強凌弱倚衆暴寡刦掠奸淫無所  
不至地方紳士保甲明知伊等踪跡不軌無如地  
方官專事諱飾卽欲指名拏究徒結讐怨奸鋒未  
挫反噬隨之因而公私容縱日益蔓延嘉慶十年  
三月內英德縣之蕉岡鄉闕姓二十餘家被土豪  
統帶會匪藉捕盜爲名搶刦一空至今案懸三載

并未拘到一人兇徒得計縱賊殃民莫此爲甚此等會匪較之洋匪尤爲可慮乃地方官明知故縱動以恐激變爲詞不思會匪雖衆必有一二爲首之人果能嚴密訪拏剪厥渠魁餘黨自當解散何得因循玩縱總不關心萬一勢成燎原噬臍何及其三曰粵東棍徒開設賭局名曰番灘館招集無賴日夕聚賭南海一屬有七八十處南海縣屬之佛山鎮亦有四五十處緣此項主持開局之人皆係衙門長隨吏役及巡查街道之兵役人等勾聯盤結莫敢誰何每局出花銀數十員或至數百員

送與衙門各色人等按股派分名曰納衙此項贓銀歲計數萬其四曰粵東鴉片烟皆由西洋夷人私帶入境向來喫此烟者多係各衙門長隨及遊手好閒之徒在私居暗室猶畏人知近卽省城內外公然開設烟館工賈士庶靡然成風宴會卽爲敬客嫁娶卽爲妝奩或至文武官員亦有私自瞞食且由閩粵延及各省流毒日深尤堪痛恨粵海關監督稽查洋稅貨物是其專責此項鴉片烟全由香山縣澳門口娘媽角用小船移載入境聞該處隘口書役人等遞年坐抽私稅盈千累萬因而



擅放入關該監督豈從無覺察亦難保無私收陋  
規情弊從前私運入關者恐一時未能淨盡應請  
以一年爲限倘一年之外仍有私販私銷者必嚴  
究該關監督及書役等賄縱情由無貸其五曰粵  
東浮收錢糧積弊多端臣請以陽山一邑言之陽  
山每稅一畝無閏每年按徵銀一分六釐五毫舊  
規納銀二分有閏年額徵銀一分七釐舊規納銀  
二分二釐每稅一畝徵米四合八勺一撮舊規按  
觔數核算納赤色條米四兩零銀則自封投櫃庫  
房取割票銀一分米卽赴倉交納倉房亦收割票

銀一分惟零星小戶統計銀米及割票准銀匠包  
納收銀二分六釐自乾隆三十四年以後歷任遞  
有浮收至三分四分不等其徵收米石自乾隆四  
十八年改爲折色每米一石折銀一兩五錢現在  
折至五兩三錢其零星小戶准銀匠收二分六釐  
者現在收至一錢二錢不等錢糧總彙交官官旣  
收足浮收之數又復短價發給採買倉穀該匠勢  
難賠墊因而浮外加浮官則剝匠匠則剝民無力  
完納積欠愈多而地方官催欠一丁不納輒勒令  
同戶殷實之丁代爲完納名曰埽戶又復從中擇

噬給錢釋放不給錢者票拘公堂桎梏多係錢糧已完之人往往因一家欠糧數家蕩產其實欠糧之丁轉得脫身事外陽邑地處窮僻卽云該縣養廉無幾不敷支持不得不稍有增加亦何得有加無已至數倍之多以上五款事關地方積弊伏乞皇上嚴飭該督撫悉心查辦併將如何實力整頓緣由先行分晰具奏庶封疆大吏認真一分則地方受一

分之益

松心  
日錄

君下第留京朱漳浦太史絨延課其子弟君日課徒夜則自課讀書恆至三鼓冬寒夜長預買硬麪

餽餽飢時食之歲所得脩必寄家其刻苦自勵如此君平居貌恂恂言訥訥不立崖岸及立

朝則侃侃而言無所顧忌不妄交游未第時嘗以文

就正魚山太史同官則與牟松厓侍御

昌裕陳嵇

亭鶴

方鐵船

元鵬

兩水部最稱莫逆屏與先生僅

數面辱引爲道義交戊辰屏下第出都先生方奉

命巡城晝詣粥廠夜過屏寓舍送行期勉諄切乃別未及

一載而先生歸道山矣詩云彼其之子邦之司直

直臣如先生而不克大展其抱負爲可惜也悲夫

聽松廬  
文鈔

貫亭侍御未第時深爲魚山先生器重旣通籍爲  
諫官正色立朝能不負先生知人之鑑後乞假還  
粵先生已捐館彌留猶呼侍御思一見侍御至羊  
城經紀其喪哭先生詩四首如難堪元伯彌留際  
猶自呻吟待巨卿又真性瀾漫忠與孝奇懷空濶  
海兼天語皆切至

香石詩話

摘句 斯文天地間豈真判南北

服古精神通八荒在吾域

厲志敦古修懷忠慨時務

詩思今宵傾竹葉鄉心同日到梅花

黃丹書

字廷授號虛舟廣東順德人乾隆六十年舉人官  
教諭有鴻雪齋詩鈔文鈔

丹書天姿秀穎讀書過目不忘學使李調元見其  
詩嘆曰抗風軒之不墜其在丹書輩乎貢優行

廷試歸築聽雨樓隱居養親乾隆乙卯舉於鄉下第

朝貴廷致辭不就語人曰貧與富交則損名賤與

貴交則損節大興朱珪撫粵尤加器重工書善畫

與其詩並稱三絕

廣東通志

詩出入唐宋諸家於蘇尤近

嶺南四家詩鈔

虛舟題馮魚山比部畫蘭二首其次章云筆妙曾

窺蘊石翁畫書詩悟一源同與君相對忘言處綠

意滿庭生澹風

香石詩話此詩歎爲色香味俱絕

凌譽釗嶺海詩鈔選

虛舟擬古詩有云兩地莫相疑兩心同不死此十

字中包多少義士情人

聽松廬詩話

標題

光孝寺鐵塔歌

古

堂前梨花

古

摘句

馬鳴嫺其曹鴈飛各求羣明星燦東方照

見勞勞人間君何所營脣焉難具陳

苦雨春無色禁寒酒有情

屐當幾繡阮遙集酒且一杯張季鷹

周有聲

字希甫號雲樵湖南長沙人乾隆六十年進士官  
大定府知府有東岡詩牘

公以貴州請棟發借挑知州赴黔借補清江通判  
黃平州吏聽訟失民心洶洶將亂上官檄公往攝  
命以兵從公曰吏民交惡當以理論不可以兵激  
之兼程至州置爲首者於法笞其附和者人情帖  
然思南俗往往以親屬病死移人戶外指爲謀斃  
得賂乃請和至有戕其子弟以爲利者公廉得其  
情置重枷於門有誣人者枷之朱書其誣狀驅赴



場肆貿易處以辱之且倣其餘半年後惡俗胥革  
後以失察小錢落職入鍰復官節相百公奏請奉

旨發南河委用李家樓工竣歷署松江蘇州府事公勤力

敏事如在黔時甲戌總理下河工務以勞得疾卒

年六十有六子鳴鸞乙卯舉人鳴鸞副榜

靈芬館文集

余交楚南詩人曰周半帆孫石溪唐陶山而最久

者莫如周希甫希甫爲人伉爽有智略累典大郡

能於其職

小峴文集

老子賢而隱於吏者也後人惑於神仙奉爲道教  
之祖周希甫函谷關詩云老聃古隱君意不在著

書脫不遇尹喜應知一字無紫氣果何祥得無近

誕迂後來夢金人相率祖其誣咄哉關尹子實爲

此禍樞此詩一掃荒誕之言可云卓識

聽松廬詩話

標題

望華岳

五古

題倪文貞公小像

七古

固原

新樂府五章

七古

函谷關

五古

摘句

山川舊京兆風俗古幽詩

長安懷古

持函不能啓憂喜定何如問得平安字方

披尺素書

得家書

每從忪裏思閒日常對新知憶舊遊

逋臣遷客原同感野鵬江魚共此心

屈賈祠

月當滿處應能指花若飛來定解拈佛手柑

蟠桃易種偏難熟學得神仙又忍饑

陳燮

字理堂江南泰州人嘉慶三年舉人官教諭

陳學博少負雋才綜覽典籍謝東墅少宰視學江

淮有郭景純木元虛之目以里選入都聲華藉甚

述菴笥河兩君尤爲激賞然而一官奉檄十載櫻

憂仲宣登樓景行種韭繹其詩每悲其志吳會英才集

標題 悲歌九首七古

摘句 畢鸞舊善東方對鼯鼠新從爾雅聞

星芒四射河無影  
露門斜飛月有煙  
選樹老鴉知地利  
上牆幽草得天憐

董芸

字香草號書農山東平原人嘉慶三年舉人有半  
隱園詩集

香草所著詩話可與漁洋後先相輝映  
國朝山左詩續鈔  
摘句 道德五千言其要在知足

凡物各有用所貴適其空

家貧逢歲歉客久見人情

詞客今爲五湖長  
高人閒似六朝僧

幽朝詩人徵略卷五十三

番禺張維屏子樹輯

喻文鏊

字治存號石農湖北黃梅人貢生有紅蕉山館詩

鈔

石農老年好學不倦著有考田詩話頗能自抒所

見

聽松廬詩話

劉金門侍郎云前年在黑龍江邱芷房方伯見符

篋中所攜紅蕉山館詩諷誦不釋手又爲人講解

於是黑龍江無不知有紅蕉山館詩者同上

集中明月一林霜西風薜荔牆何人調玉笛流韻  
滿銀牀一律頗爲人傳誦其實空調耳余愛其登  
太行山一律云太行天下脊一髮走中原忽向遼  
東折因爲冀北藩岡巒互聯絡面背割寒隴下有  
流如帶黃河萬里源五律如此可稱傑作上同

石農詠坡公云青蓮久不見退之今則無兩作赤  
壁賦三上神宗書較之飽喫惠州飯細和淵明詩  
尤爲警拔上同

石農至荊州尋息壤瘞處詩云息壤傳白山海經  
又復見之溟洪錄羅泌路史語具詳自岷至荆禹

功篤煩憂汎濫在萬世埋之洪荒鎮以屋保刻  
上迫視難非金非石非土木後來發掘致雷雨謂  
此可已早魃酷據詩言則息壤在荊州而余前年  
在楚北聞人言漢川修堤於漢水中見一物大如  
屋其質非金石亦非土木識者云是息壤然則息  
壤不止一處耶抑今漢川縣本古荊州地耶存此  
說以俟諸考古者

松心  
日錄

朱子無書不讀其解釋諸經於古說有所取有所  
棄雖所取所棄未必盡當乎人心要之後人所見  
之古書皆朱子所已見者也乃考據家往往喜新

好奇得一古說如獲異寶遂據以攻駁朱子似朱子未嘗見者不知皆朱子所已見而棄不取者也喻石農詩云近來考据家動與紫陽畔竟似所看書紫陽未曾看此數語先得我心

聽松廬詩話

標題

武昌行

牧童詞

復社姓名錄

高忠憲寒篁冰槩圖

答雲素問黃

安被賊狀

張氏有母行

漢敦

煌太守裴岑破呼衍王碑

摘句

釣必用直鉤毋乃太矯情事事要異人此

心先不平



所職活萬民不惟一己潔

苟有利物心不論官崇卑

高談遺世務必無經世功

阿翁真得壻愛女甚於男

送女示葉壻志說

屋角爨烟青兒童喧晚食

人身如月魄顯晦任其常

塢雲藏鳥語春色到田家

大江流霽月一雁點新霜

但期在官日不忘住家時

性癖稀留客年荒賤典衣

論古仍須識時務讀書原不爲科名

潼雲曉挂蒼龍雨漢時秋明白帝霜

望華嶽

秀才天下爲憂樂老子胸中有甲兵

范正

重臣外鎮熊羆壯丞相中朝水火爭

榆林懷古

秋士銷魂如落木楚人託興在幽蘭

流水亂鴉翻夕照淡烟疎柳是黃州

楚水未沉征士恨秋山還伴酒人行

泉當咽處墮殘雪山忽斷時沈碧鐘

一夜西風驚客夢滿林黃葉別詩人

客喜座來今舊雨詩如梅瘦雨三花

黃凱鈞

字南薰號退菴浙江嘉善人太學生有友漁齋詩集

君及冠而孤不能習帖括乃課治農晦以其閒書性伉爽喜論事人以難事相質必爲規畫處置其倍理不可行者亦必正告之以是人翕然稱爲長者其治家絲粟無妄耗而於大事特犖犖行意不作囁嚅顧瞻態甲子歲浙西州縣被水禾稼淹沒米騰貴上官檄邑平糶君爲衆倡率大暑烈日持蓋戶行按戶之上下罔有漏失鉤稽明劃無敢

侵欺蝨蝕者嘗以屋傍隙地假人後仍不還笑置  
不問又買鄰人之屋而其屋先已賃人爲店慮其  
他徙失利垂立券而毀之讓其爲店者好行其德  
如此君有四丈夫子長子安濤以進士二甲第一  
入翰林里人以爲榮君處之恬然東阡西陌杖策  
往來野老故人雞黍談笑不異往日少好爲詩寢  
食于是一以攄抒性情狀難顯之情故於宋人楊  
萬里陸務觀爲近嘗爲楊陸談詩圖以見意有友  
漁齋詩若干卷夙工於醫以濟物爲急合善藥以

施輯其所得爲醫話

靈芬山館文鈔

鐵鎔

頭廣一尺或四齒或六齒發土之具也

鍤

即古之鍤也鍤地以起土也

翻車

其制如槽長可二丈槽中架屏木板一道隨槽潤狹以鶴膝木聯之循環不斷岸上橫設

大軸人憑架上軸轉動則水引而上矣

渴用箕對合用長竹竿作柄

附以細竹

犁

犁利也冶金而為之者曰犁底

耜

柄長四尺首潤一尺五寸列盤方竅以齒為節蓋犁以起土惟深為功耜以破塊惟細為度

蕩用木板長二尺潤八寸以釘排列長竹為柄出方蒔秧尚未勻熟須用此器蕩之使水土相和

四凸

臂籠

篾竹編之農夫耘苗穿臂於內以代衣袖

鎌

似刀而彎長尺許刈

禾麥斫柴篠

喬杆

挂禾具也

稻牀

柳栗條十數莖橫其中持稻把攢其上穀粒漏於下

礮

礮穀器所以去穀皮也

杵

臼春也古掘地為臼我鄉臼多置平地列牀其後人立踏之

農器詩十四首

見友漁齋詩續集中今錄其題并節其註不耕而

食者觀之可以知稼穡艱難農功辛苦焉

松軒  
隨筆

雲臺先生問近日魏唐詩人予以退庵父子對并

以其稿鈔呈先生深爲擊賞采入瀛舟筆談中目

爲嘉善二黃

雲臺芬館  
詩話

退庵老而好學出入石湖劔南之間霽青入翰林

萬人如海之中獨能稽經誼史從事著述子未主

家事酬應之暇不廢吟詠皆未知其所至也

同上

長君霽青太史成進士入詞垣先生紀事詩有云

幸叨先人貽見爾青紫拾此祗俗人羨原非志士

急性分有榮華羅袞徒外襲先生胸有道味澹於

浮榮故其集中詩雖寫景言情時寓名理聽松廬詩話

標題 鷹窠頂觀日出歌七古 元夕東莊看月七古

上元後大雪登千佛閣七古 頻伽靈芬

館圖五古 老僕詩五古 農器詩五古

摘句 鄰家有二子大兒能守家貌朴心亦朴失

歡於阿爺小兒貌姣好言辭尙浮華慣行

小孝敬阿爺心暗誇親朋窺所向歎譽相

交加惡少伺其隙縱博游狹斜人情蔽所

近誠偽何紛挐父子尙若此何況堂廉賒

精思原在我妙處却由天

論詩

八口無饑真樂事一家少病卽神仙  
閒情每向忙中得樂事能於澹處尋  
花發先呼嬌女看詩成念與老妻聽  
故人詩好久能記自種花開倍可憐  
欲了事如急性子嬾于謀似信天翁  
藥非自製終難信書却貪看奈健忘  
試看紅紙都成白安得烏鬚不變蒼  
老境漸來先齒髮此心自問尙兒童  
老漁深擁綠蓑臥穉子倒騎黃犢行



漆修綸

字漢青號雲窩江西南昌人諸生有雲窩賸橐

先生少時肄業豫章書院山長萬侍御

年茂

禮稱

賞之爲文與朱漳浦太史

絳

齊名時號朱漆屢試

不售省親粵東遂僑寓羊城四十後無意仕進謀

徒自給大庾戴文端公未達時嘗與往還談藝後

文端爲宰相聲望甚隆人謂先生盍往求書數臣

必得館且豐先生笑曰吾生平最怕求人卒不往

終其身未嘗有所干請其高簡類如此晚年喪子

後納妾連舉數女竟無子病中夢人邀之偕行賦

詩云寄語山靈須少待卽拋書劍逐雲來未幾卒

年七十有一

聽松廬文鈔

李介夫太史

如筠

漆雲窩先生表甥也先生授徒

潘氏南墅介夫遊粵時過從觴詠一日拈題得宦

海同賦七律介夫結句云長風萬里思宗慙寄語

書生莫膽寒先生結句云中流成敗知多少都在

漁翁冷眼看數年介夫成進士入詞垣典試湘

南中歲卒而先生尙康彊無恙

聽松廬詩話

雲翁有絕句云空拳赤手初生世富貴何人是帶

來旣不帶來難帶去銅山鐵券總塵埃此詩可玩

世間沉迷貪戀者作醒夢鐘聲上

雲翁與屏爲忘年交翁素奉佛每日誦金剛經一日過談盛稱西方聖人屏曰中國聖人所言具在我輩不能奉行乃轉求之西方無乃惑與翁曰子闕佛耶屏曰如昌黎乃能闕佛我輩安能但不佞佛耳翁曰子之意將謂佛可廢耶屏曰不可廢也有佛家言於是文字中得一種超妙語熱鬧中得一種清涼語愁苦中得一種解脫語庸衆中得一種果報語果報尤有補於世蓋世間惡人惟佛法輪迴地獄冥報之說稍足以戢其肆行無懼之心

此佛所以不可廢也若夫搢紳先生誦聖人之言  
服儒者之服負人倫之望膺民物之寄而乃舍吾  
正學趨彼異端甚且奉緇流爲師資尊釋典如律  
令執慈悲之見則姑息適以養奸溺虛無之言則  
清靜必至廢事若此者不惟獲罪於聖人吾恐佛  
亦不樂其有是也翁喟然曰子言良是吾亦藉以  
遣憂耳今翁墓草宿矣感念疇昔知己縱談聊復

識之

松軒  
隨筆

摘句 波光浮日曉雁影度江秋

癯僧雙眼碧古佛一燈青

馮顛

字穎中廣東南海人太學生有銳志詩草

穎中爲羅章山人室弟子陳南賓註粵臺徵雅錄

多與商榷

嶺海詩鈔

君爲石門司馬第四子與哲兄竹洲孝廉及羣季  
一門友愛翰墨怡怡家於濠畔鐙船花柳命酒徵  
歌綺歲芳辰頗多豪興迨中年以後杜門息影書  
卷爲緣余妹婿子皋吉士君之從孫也君長余三  
十年每有晤言屢承下問憶甲子春偕呂丈石帆  
見訪並贈仁篇今徧覽遺詩益深耆舊彫零之感

聽松廬  
文鈔

摘句

征鴻排夕照落葉舞秋聲

未老已添兒女債無成空負弟兄心

親亡窮達情俱淡食少寒暄病易侵

半生歷數三更後兩歲平分一醉中

除夕

世上已無同甲友夢中時作少年人

人間浪說團圓好那識圓時恨漸多

新月

陳禰芳

字若蘭號湘舟廣東南海人太學生

湘舟跌宕不羈黎二樵謂其腹稿萬首謝少白

戎會代其存稿名夜錦堂集今皆無存又聞其有  
遊鬼詞數十章語多奇絕亦未見因思古今才人  
心血化爲灰燼者何限

聽松廬詩話

摘句 繞郭蘇青陌週園嫩綠塘華燈遲月落水

荇帶星光迤邐栽松徑嶙峋灤石岡樓臺

朝倒影亭館遠相望

顏氏園

顏園詩百韻茲節錄數句以存其概園以石勝故名磊園今在西關十八堡民居稠密非復從前郭外野景矣園屢易主仍以顏著從其舊也

潘藝

字富宗號游亭廣東南海人有後樂堂稿

潘游亭有讀明史十首其警句云土木變來軍挫  
銳鐵碑移後寺專權台銓臺閣歸三黨礦稅山川  
瘁四民緇林尙議尊曹節鉤黨驚聞捕范滂國事  
已成牛角鼠臣心皆類虎皮羊吳穀人亦有讀明  
史十首其警句云立君幸賴飴孫議返國翻讐叔  
武迎忠臣肯死輕蛇膽方士難生諱馬肝史縱能  
言聲亦淚天何此醉問難知羊頭儘許侯封博蝸  
角猶難黨禍消可與潘作合觀之

聽松廬詩話

摘句 半閣綠煙鳩喚婦一簾紅雨燕窺人

一笛冷風殘夜月鐵橋流水立癯仙

梅花



田上珍

字嘉穗一字西疇廣東番禺人諸生有自鳴詩鈔  
西疇人品高雅長貧多病歿後遺稿流傳則其及  
門黃蒼厓之力也其詩瓣香白陸脫手如彈丸寓

懷雁字諸篇久已爲時傳誦

嶺南羣雅

先生生平抱負經濟通知時務竟以貧病賁志而  
沒嘗作寓懷八首以寄慨

香石詩話

詩以物比興其情愈深田貢庭先生夏日曉起云  
忽覩新荷綠滿池却憐春去已多時杜鵑啼盡枝  
頭血燕宿雕梁總未知偶感云屏跡雲山戶懶開

芒鞋久不踏蒼苔無端却被松間鶴引向塵寰半

日來皆寄託遙深

粵嶽草堂詩話

摘句 青燈慈母夢黃葉故人心

風警鴉移樹燈昏雁過樓

落日明殘水重烟失遠山

屋角綠飛鄰樹雨牆頭紅散落花風

如能聞道何妨老若果工詩敢怨窮

蓮花結子心偏苦燭淚成珠色尚紅

方天根

字應復廣東香山人諸生有風佩軒遺草

天根持躬狷介沉潛敏悟所爲詩古文詞繪事篆

刻皆卓然可傳年三十八卒

香山縣志

黎二樵哭天根詩云使我同斯世得君誠占人小

時聞孝友一往不溜磷可以想見其爲人

嶺南羣雅

子谷有白蓮花七律三十首又有南漢宮詞白雲

山探梅賦馬嶰山先生刻之

香山詩話

子谷漫賦一律云彭澤休官日平原乞米時蕭條

海外集慷慨劍南詩等是心如水都無境足羈數

公如可作斟酌欲從誰此詩與杜牧之九原可作

吾誰與師友琅瑯邴曼容同一沈鬱

聽松廬詩話

摘句 秋意忽已動露華清滿天

陽崖陰嶺各奇絕東雨西雲相對飛

已証聰明成慧業可能身世便微塵

徐本義

字申之號薌圃浙江仁和人諸生有申椒詩草

君尊人游粵僑寓羊城生三子君其仲也兄本仁  
弟本禮時有三徐之目本禮年十二爲文驚著宿  
未冠卒君哭之慟君事親孝痛弟早歿事兄益恭  
三人皆補商籍弟子員本仁舉於鄉君薦弗售既  
聞督學使者爲平寬夫學士君曰故人爲學使而

吾尙遜考棚隊乎遂不赴試  
離商吳延君課子一日綵觴宴客  
君首坐會有達官至主人請讓坐君  
曰貴可加於師乎吾可避席師道不可貶也遂起  
辭去君素不治生家益貧戊午除夕前數日偕君  
之戚過君聞吟誦聲徹戶外入門老屋蕭然綠苔  
上砌几硯間梅花一瓶史記一卷君方讀伯夷傳  
其戚與其家人言乃知無以卒歲而君弗問也君  
古文學歐曾詩宗唐人晚年間學宋人書瘦硬得  
魯公半坐帖意弟子從遊者多掇科第去君竟以  
諸生終年五十餘無子歿後詩文散佚胡蔚岩孝

廉曾手錄其詩胡卒所錄亦佚而陶綏之茂才近

復搜輯君遺詩百數十篇將授梓焉聽松廬文鈔

薌圃性狷介家故貧非其義一介不取遇富貴人

辭色益峭岸知交譚藝則又欣然忘倦也嶺南羣雅

薌圃以沈姓補廣州商籍諸生嶺海詩鈔

薌圃乞巧曲李雨村學使謂似元和中筆墨同上

金藝圃兵部性倔強少所許可惟服徐薌圃鄭貫

亭兩先生人問何以然藝圃曰此兩人胸中絕無

勢利之見者也松軒隨筆

薌圃先生見贈詩云我愛詩人南山子文章膠漆

一知己我詩因子忽吐出隱然方寸五嶽起時先  
生五十餘而屏甫弱冠辱引爲忘年交又嘗於廣  
座中指屏而朗誦老眼能知天下士之句嗟乎少  
壯可惜忽逾中年學業蹉跎仕途蹭蹬無可報良  
友于地下者因披遺藁慨想生平期逝絃摧能無

於邑

聽松廬  
文鈔

薌圃詩諸體皆工五言如秋思云洞庭葉初下江  
臯秋已涼美人隔湘浦離緒乘清商鷓鴣中夜鳴  
百草爲不芳遲暮一以屈感物情彌長七言如題  
沈石田飛泉圖云蛟龍倒挂一千尺浩然風雨來

堂前老松怒攫不相讓似與泉勢相盤旋吐屬俱  
非凡近又梅花云拗此清寒一义玉銅瓶汲水歸

柴門尤想見高人清趣

聽松廬詩話

少時見薌圃絕句愛之今錄之偶來獨坐無人伴  
紗帽文茵白石邊閒向春山彈一曲桃花如雨點

琴絃

題畫

絳色中單冰玉胎紅塵香裏肇初開左

車一損堪愁絕猶自西川驛騎來

荔枝

我家西子

湖邊住無數花開玉井蓮鷗夢未醒涼月曉香風

吹到水門前

蓮白

葉葉相當映紫苔花花並倚暈

紅腮西風一夜牆陰雨愛忍秋寒獨自開

秋海棠



又有擬幽州馬客吟云驅車黯黃沙揮鞭淡白日  
古戍何蒼蒼大半幽州客 朝行居庸關暮過盧  
龍下枯桑挂吾鞭清泉飲吾馬 雕鞍盛年客身  
騎五花驄腰間金僕姑手底綠沈弓 鳴鏑荒山  
隅解鞍古城口槃泛紫駝羹栢酌紅梁酒 大醉  
酒爐旁虬鬚猛如虎十三胡姬歌十五渾脫舞卽  
此短章令人如見幽燕老將上同

標題

秋思寄博齋先生

古五

上清謠

古七

乞巧

曲

古七

瓶梅用東坡先生松風亭下梅花

韻

古七

題乘槎圖歌

古七

摘句

楊柳洞房春攀條映玉人

阿兄如衛玠夫壻得王昌

韞脫疑將起風生試一呼

畫鷹

天末斜陽微度鳥雲邊疎雨忽浮嵐

空聞上將戈船渡不見降王桂殿畱

杉皮矮屋多藏柳秧水平田巧畫棋

鯉魚風定晚潮落蘆荻雨來沙岸秋

解

刁斗一聲寒夜靜臙脂山下月如霜

塞下曲

顧張思

字懷祖江南太倉州人諸生有越游小草

顧行人陳埤博學能文懷祖纂成家業著有七經

訓詁異同土風錄識字略陳檢討四六補註

湖海詩傳

摘句 殘年如小劫小住卽深山

梁殿珍

字符章號璜溪廣東番禺人貢生有璜溪詩文集

璜溪性穎悟少時背誦文選如流水壯好談兵棘

闢屢薦不售五十後雄心消耗有類枯禪然才思

敏捷詩文仍下筆千言滔滔不竭康茂園方伯聞

其名聘主禹山書院講席甚賓禮之聽松廬文鈔

摘句 邇來說風雅強半填青紅競賞章臺柳莫

觀吳江楓

春風寬帶眼夜月靜琴心

百年身世遲龍戰終古關河有鴈飛

王世錦

字再陸江南吳縣人太學生官巡檢有藝芸館詩

先生為嘉峪關巡檢建義塾修節孝祠淵雅堂文集

再陸為文恪公八世族孫官甘肅十七年罷歸乃

卒蒲褐山房詩話謂其卒于任誤也松軒隨筆

再陸從事戎符詩有金戈鐵馬之聲

詩話

摘句 地經烽燹後夜盡馬蹄中

邊地未生青草候故園正好杏花天  
雪留峻嶺千年白天入窮邊五月寒  
當思官作民之母莫信人誇更是仙  
囊剩一錢名是俸味忘三月不關韶

### 王宗烈

字承甫號竹塾廣東高要人貢生有寶唾山房稿  
竹塾劬書嗜古著有紀齡彙典事物權輿叶音類  
編述同述異儷言擇雅及文集詩話惜未見

松軒  
隨筆

摘句

林初散暑蟲鳴股池漸生寒鳥墮翎

青山不管紅塵事也逐秋光上畫屏

沈大成

字瘦客浙江嘉善人諸生

魏塘自水村東齋而後風雅稍替二十年來瘦客

首先倡率退庵父子起而扶輪

靈芬館詩話

瘦客深於情一往三復詩如其人記其看燈詞云

華燈萬戶影交枝月上黃昏也不知郎愛看燈儂

愛月到無燈處立多時

摘句

未見書當從客借無名花亦動人憐

一伎不工惟善病三生有福得長閒  
牆裏小桃花一樹只分一半與人看  
楊花莫便多于雪都恐鴛鴦易白頭  
妾家花與郎家柳不隔春風只隔城

黃沃楷

字式方號松谷廣東香山人諸生有松谷詩鈔  
松谷余同年香石明經之兄以古學受知覃谿先  
生遊羅浮歸病卒年弱冠耳松谷選先輩七律如  
孫西菴朝雲集古梁陳懷古黎美周黃牡丹鄺湛  
若赤鸚鵡王蒲衣無題百首張河圖十二樓等作

名香草集余嘗欲彙集近代無題及香奩諸詩取

陸士衡語名緣情集亦香草之意

聽松廬詩話

摘句 遠映滄江外徐收古道中

夕陽

墟散村烟暝林深人影迷

到遠時多憶友興逢佳處便留題

避地雁多鳴落月倚樓人正望歸帆

### 黃沃棠

字蔭方號蔭亭廣東香山人諸生有楚遊草

蔭亭胸中浩落以酒得天配楊孺人如梅能詩工  
奕幼時父以花陰堪避暑命對卽應聲曰繡閣不



知寒于歸後持家勤儉克盡婦道焉

聽松廬詩話

摘句 故鄉久別忘爲客遠地尋芳欲寄題

半生對影多慚忤垂暮依人負弟兄

### 黃愷鏞

字南英號楠蔭浙江嘉善人諸生有書耕堂集

先生弱冠補博士弟子員鄉闈九次薦卷者四於

書無所不窺晨暮兀坐朱墨並施委一僕司出入

訖役錢米不問也家日落而嗜書不厭

慰託集

楠陰先生退菴先生之兄霽青太守伯父也余旣

輯退菴先生詩霽青見示慰託集乃知先生嗜學

三  
就吟中

謝世因亟登之

聽松廬詩話

摘句

濛濛夕照中人烟古原樹

人兼黃犢返帆翦滄波去

百年不可知須爲目前惜

莫待盛開時盛極衰之始

牡丹

石佳持笏拜花好致書求

惟一有詩人能弔古秋風下馬讀殘碑

大海之中漚一點執迷誤認世人癡

自晚詩

李遐齡

字芳健號菊水廣東香山人貢生有勺園詩草

鐵城詩人前有松崖翼堂後有菊水竹孫香石諸

子菊水詩著健真樸深於樂府韻甫

馮魚山稱其詩筆甚著譚康侯謂其上白騷選以

迄杜韓白蘇旁及諸家咸所取則韻海詩鈔

菊水答人問詩二律有云與會偶然到性情如此

深又云造境逾人境多師是汝師前二句以天分

言後二句以學力言二者不可偏廢若徒恃性靈

而不講學力未必能深造也聽松廬詩話

標題 哀永新詠劉淑英 雌游擊詠沈雲英 刺醉羅詠

人黃氏 安南使七 白雲山放歌七

摘句 月涼萬花醒天宇碧森森

詞子久無林林猶訶子稱可悟世法中萬  
事浪得名

細路沿雲入閒門映竹斜

慧業文人會成佛血性男子須生天

朱元秀

字協萬號可石浙江嘉善人太學生

可石少業賈持籌之暇呶唔自如郭頻伽贈以詩

云平生不識竹垞翁世間乃有周青士

懋託集

可石除夕詩云飲罷屠蘇恨不眠獨吟還傍小窻

前不辭采燭更深坐未聽雞聲尙舊年

藥芬館詩話

摘句 梅逕隨香曲春流抱屋深

家貧驚歲暮裘敝愛春來

書纔經眼過多忘詩到言情刪復留

交從極澹處相訂饋到無聊時一開

李鱗

字潛淵號秋浦廣東番禺人有荷嘯閣詩草

君少讀書屢試不售退隱小金山下自稱鬱洲老

漁好爲山水遊嘗遊潯梧間都人士留而師事之

行年五十猶好學不倦

聽松廬  
文鈔

標題

示兒姪三詩

五古

崑崙關懷古

七古

摘句

東鄰紈袴子謂富可長據珠玉飾轡鞍綺

羅賜僕御鳴鞭入章臺千金買一顧無施

滿珍錯猶謂無下箸物力不愛惜天地亦

震怒一朝勢運衰親戚等行路見人自赧

顏乞食墦間去當其祖父時辛苦厯霜露  
可憐陰雨夜啾啾哭墳墓

屠沽未盡非儒者未盡是揚雄作美新何  
貴文如綺

人非忠孝無文字天與艱難有性情

讀正  
氣歌

葦葉潮乾浮海月棟花風起上鱗魚

孫 忱

字西雍號白峰浙江嘉善人諸生有半山詩集

白峰先生教授鄉里不爲俗學所溺里中前輩如

南陔柯徵君慈山曹居士嘗親炙有淵源焉

慰託  
集

摘句 相如下廉頗國難抒十城太真媚錢鳳武

昌摧逆旌生各矢忠孝用晦佐休明人世  
有網罟盛氣爲之攫孰能褰裳去行權以  
濟經

藝蘭蓬蒿中三年望其盛蘭穗纔寸莖蓬  
蒿已滿徑揮鋤顧園丁區別爾爲政若云  
聽諸天百卉毋乃病

青山詩客影香霧美人舟

乍暖日如人薄醉新晴天似客初歸

蔡邦烜



字月樵江南合肥人太學生有聞喜堂詩集

月樵於書無所不覽家有園林吟詩作畫而外足

不出戶而視二三好友若性命

聞喜堂詩集序徐世鑒撰

月樵性好讀書手鈔錄者不下數千卷然不求聞

達嘗一試於有司輒弃去家有別墅傍曹公門鴨

池故名依綠園於其中構亭榭蒔花竹與二三莫

逆交日尋文酒之樂暇復潑墨隨興寫菊花蘭竹

一切戶外事悉屏置不關涉閒嘗一遊白下訂交

陳古漁先生而歸

聞喜堂詩集序朱黼撰

月樵癖於詩其子陶門尤癖於詩余至吉安陶門

攜其詩并先人詩質於余月樵自得家園嘯歌之  
樂而陶門不免異鄉羈旅之悲然陶門窮老卒能  
以詩自怡且勤勤焉惟恐其父湮沒而不彰可謂  
孝子之用心也已余爲之錄其詩存其人不惟慰  
樵翁且以慰陶門也

聽松廬  
文鈔

歲荒散賑人衆擁擠有死者月樵詩云傾仆萬足  
踐苟延乃速死十字驚心怵目

聽松廬  
詩話

摘句 晉人尙元虛唯公矢拳拳卷懷歸畎畝飲

酒全其天胷臆抱大志見之荆軻篇試問

添毫客此意誰能傳

題淵明  
畫像

國朝詩人徵略卷五十四

番禺張維屏子樹輯

宋湘

字煥襄號芷灣廣東嘉應州人嘉慶四年進士官  
湖北糧道著有不易居齋集豐湖漫草燕臺滇蹄  
諸集

君九歲見諸伯父課文卽取片紙學爲文二十三  
歲入庠壬子鄉試第一己未成進士乙丑散館授  
編修丁卯典四川試戊辰典貴州試癸酉補雲南  
曲靖府知府所屬馬龍州地瘠民貧君捐俸設棉

花行教婦女紡績署廣南府城內地高飲水艱君  
度地開挖東西二塘護理迤西道所屬大飢君捐  
俸賑恤署永昌府團練除暴郡有書院已廢君度  
前鎮署舊基創建書樓講堂材擇良不以官市工  
酬值不以民役董事擇庠生不以胥役計捐廉一  
千七百餘兩灣甸者所屬土州也土知州某死未  
有嗣親支景祥護印有景在東者遠族也乘景祥  
懦奪印兇橫盤踞土境賊殺自恣不附已者死如  
是五六年當事怯不敢發賊謀襲土職復招長髮  
野匪數百人又脅從數百人號二千人謀攻保山

縣君慮其爲節明二莽續誓除之商之營不濟請  
諸帥又不濟賊以爲益猖獗民夷皆赴愬君曰爾  
等能爲我殺賊乎衆曰能君曰果爾芻糧我任之  
患難我同之團爾丁練爾勇殺賊者重賞君慷慨  
激昂民夷亦踴躍以赴於是江有防隘有備又以  
計散其黨羽賊懼宵遁君懸重賞募敢死士大索  
山箐七日殲其渠計自捐軍需八千餘兩邊隅以  
靖士民以安郡人德之塑生像祠焉君宦滇十三  
年推陞湖北督糧道道光五年十一月抵任六年  
正月押運北上十月回任十一月二十五日卒於

官年七十有一

聽松廬  
文鈔

君性地高明氣概伉爽見人詩文佳者輒贊歎不置余里居識君僅兩面別二十餘年道光乙酉相見于武昌君一見卽曰吾甚恨足下余愕然旣而曰恨足下不入詞館耳於是索觀已刻詩明年重晤於漢陽舟次謂余曰足下十一卷詩俱讀過某篇吾所愛某篇可不存茶話良久忽掀髯笑曰一唱三歎入人心脾我不如子哀樂無端飛行絕迹子不如我是時坐有他客君亦不暇與談也其真

率類如此

同上

芷灣襟抱豪邁故揮毫灑翰皆具個儻權奇之

詩磊磊落落從真性情全涌而出自成爲芷灣之

詩嶺南

羣雅

覃谿先生寄題雲泉山館七古已勒石先生邀芷  
灣同作芷灣用律體寄余與南山云遠聞山館築  
雲泉此地曾遊二十年北抱番禺大都會南來清  
淑越山川仙人只許飛前住名士猶能深處眠莫  
笑出山泉已濁歸心長逐暮雲還

粵嶽草  
堂詩話

詩善用逆筆倍覺生動如芷灣白鶴峯謁東坡先  
生故居第三首云長江在北戶青山滿牆頭青山

自萬古長江亦千秋先生不到此荒荒空一邱當  
時事已過何必重怨尤請看題詩處江天如許悠

先生不到此一接筆力矯變

聽松廬詩話

芷灣七律以生動之筆寫沉鬱之氣如鸚鵡洲云  
兩日停橈鸚鵡洲接天波浪打江樓靈風尙帶三  
槳怒芳草難消一賦愁從古異才無達命惜君多  
難不低頭秋墳莫厭邨醪薄何處曹黃土一抔江  
夜聞楚歌云莫是宮中舊舞腰聲聲餘恨咽前朝  
英雄兒女虞兮曲落日哀猿下里謠詞客有魂留  
夜渚孤舟無伴讀離騷如何一副千秋淚不唱吾



家大小招大江云東諸侯長朝天子百谷王門走  
大江天起風雲扶氣力地開吳楚出旂幢無愁兒  
女沙淘盡有恨英雄浪打降誰奏銅弦鐵綽板萬  
山明月入船窗龍泉觀題壁四首之一云我豈無  
情入世來

君恩父德子孫材未能誓墓頭先白到得還山日亦頽可  
更磨牛同道路原知野馬一塵埃獨慚飽飲滇南  
水涓滴曾無補草萊同上

湖上感懷四首俱沉着錄其第三首云讀書堂角  
一梅花昨夜今朝也自斜無處寄人春點點何能

伴我路义义鄉愁歲暮真多感白骨黃塵況萬家  
誰信羅浮枝上月曾經連月照悲笳時惠州有陳  
爛屐之亂故詩云爾上同

芷灣有六妹詠虞姬一首尤警詩云奈何聲斷酒  
三巡夜半君前楚舞身事去難思范亞父功成不  
過戚夫人悲風江上無情水豔草山前有恨春百  
戰天亡千古淚名雕愛妾本埃塵上同

李忠毅公

長庚

剿海賊蔡牽功垂成而歿於王事

芷灣太史賦李將軍詩寫忠肝毅魄颯爽如生其  
詩云人海斬蛟登山射虎壯士出門寸心報

主生也臣不敢知死也臣不敢辭臣知殺賊而已焉知生  
歸死歸汝賊蔡牽汝何么麼海水四晏無風鼓波  
汝賊蔡牽汝何多狗信信血人千里牙口汝賊蔡  
牽我來將軍將軍飛來汝聞不聞汝賊蔡牽汝何  
不柁上天入地將軍殺我汝賊蔡牽汝何不弓出  
日入月將軍如風汝賊蔡牽汝何不死罪大海小  
將軍守此逃逃離離將軍之旗歌歌舞舞將軍之  
鼓將軍曰乃蒼天晝高將軍曰矢怒潮夜死吁嗟  
乎臣不滅賊臣甘死賊臣且滅賊臣竟死賊海水  
無情天風盡墨臣北面稽首謝

天子聖德

天子無悼臣臣死臣之職大海蕩蕩天所圍雲車風馬神  
靈來上帝許我梟厥魁明年蔡牽死戰士休徘徊  
龍宮開靈風回同上

謝文節橋亭卜卦硯名作如林七律一體余最愛  
芷灣作詩云摩挲臙墨玉庚庚想見夷齊萬古情  
國旣無人焉問卜臣猶有母此埋名從容豈愧文  
丞相流落曾聞玉帶生同是山頭一方石人歌人  
哭至今并同上

芷灣絕句有沈雄者有宕逸者隨意錄數首疊隘

重關古澗鳴長城一抹亂山青漢唐戰鬪今陳跡

立馬秋風看井陘過井陘手提殘蜀漢山川六出

祁山去不還猿鳥風雲俱慘澹至今人識定軍山

定軍山蕭同叔子事堪哀動地干戈爲笑來寄語

美人歡喜口春秋戰國莫輕開書平原君傳後讀書萬

卷真須破念佛千聲好是空多少英雄應下淚一

生纏死筆頭中說詩東江水長西江落南堤北

堤有水關生小西湖撐艇子不愁風浪只愁閒湖

權歌浮沈宦海以官爲家者得毋類是鏡裏嫦娥也自傷青天碧

海可憐涼神仙無限長生藥只少人間黑髮方答月

聽松廬

詩話

標題

德有鄰堂硯歌

阮芸臺師命題靈隱

書藏圖

陳石士用王半山贈蔡天啓

詩韻見贈次韻和答

十二月十九日

同陰青原張賢仲張南山陳仲卿至歸去

來堂拜東坡生日

湖居後十首

疫鬼哭

四安得詩

摘句

不如墳頭草猶得與親依

人情附所歡物理趨所見

陰陽與剛柔偏勝俱爲患

老子五千言守雌而已矣

昏之以世情失我獨也正一日積一塵一  
塵生無病

我詩我自作自讀還賞之賞其寫我心非  
我毛與皮

漁翁汝何來何來復何去一網出白魚歌  
聲入紅樹樵父汝何去何去復何來擔頭  
有白雲草香花尚開而我同住湖慙愧呼  
曰儒斷斷幾箇字以自白其鬚公等我不  
如請就盡一壺

國朝詩人後集卷三十四  
苟無古性情安得真風雅

種樹五千本讀書花鳥間

貌同民共瘦心與月齊孤

四面青山三面水兩湖明月一湖秋

舊歲梅花新歲看今時明月古時憐

世上葛藤須快劍心中風雨有深卮

俗士畫皮兼畫肉神雕行氣直行空

論文

岳陽城郭中流見黃帝笙鐘上界聞

君山

祝融以德火其木雷電成章天始春

沐棉

笑口人情花剪響酒杯天氣雁聲涼

買菊



吳 蘊

字山尊號抑菴江南全椒人嘉慶四年進士官翰林院侍講學士有夕葵書屋詩

山尊胸藏二酉力富五丁所作駢體沉博絕麗少爲石君司農激賞詩以韓孟皮陸爲宗門險盤空

句奇語重五言長古尤足以推倒一世

湖海詩傳

山尊太史慷慨任氣磊落使才詩文敏捷思若湧泉朱文正公愛其文謂合任昉邱遲爲一手公奏御文字嘗命其屬稿故才名達於

九重晚以母老告歸屢主揚州書院講席酣嬉文酒跌宕

林泉歿後全集未見僅於選本中得其一鱗片爪

耳

聽松廬  
文鈔

嘉慶己卯先生入都祝

嘏將出都偶於友人處見屏代閣部師撰

萬壽頌百章謂友人曰此手筆大近孟堅典引中郎釋誨

旣而知爲屏作因訪屏于米市衛衙廟中適見案

頭近作一卷卽攜去越日余往報謁先生未暇他

語卽朗吟南海月華今夜白西山雲氣古時青一

生不幸稱詞客萬古能豪是酒人之句遂同過雲

谷農部寓齋劇譚豪飲夜分乃別

松軒  
隨筆

余贈先生二律次首云花鳥湖山互主賓風懷如  
故鬢霜新禁中久識凌雲客江左今多立雪人軼  
事徵來聞見博古歡結處性情真高軒累日尋蕭  
寺香火前生或夙因先生次韻見答云弱冠曾充  
上國賓文章未老鬢毛新千秋自我無窮事四海  
如君有數人古義濯磨如矢直歧塗面目與山真  
嶺南諸老何曾死高下川陵大可因詩中獎藉弗  
克當末二句以吾鄉前哲相期意尤可感

聽松廬詩話

標題

東坡生日禮像賦詩

五古

題桓伊吹笛圖

七古

摘句 君子處富貴炙手中不熱堅白惟自完百

試不磨涅

木不灰  
爐

入手七星寒剖心一寸赤

趙忠毅公  
鐵如意

俯視楊契丹尙友陶貞白

題畫

解籜迎夏長落花感春晚

竹陰先客到山色與詩來

雪天寒色畱羈鳥海國晴波起伏鯨

去鴈遠從潮際定歸鴉爭向雪前喧

鮑桂星

字覺生江南歙縣人嘉慶四年進士官工部侍郎  
有覺生初稿

覺生先生天分過人爲詩文不拘一格不專一家  
隨意所之學之輒肖余嘗於友人齋中見其零篇  
碎句陳伯芝庶常云先生奉

旨閉門思過之日曾自訂其生平所爲詩付之剞劂余尙  
未見故所錄止此

聽松廬詩話

標題 吳門訪黃雪香得見林子遠峯因畱度歲

長歌贈之

七古

摘句

江湖淚滿窮途後  
雨雪魂銷欲別時

梧桐南內唐天寶  
枯樹西風庾子山

落葉

千點月涵汾水白  
一行天斷楚峯青

秋雁